



Publicaziuns officialas dils 18-01-2019

ELECZIUNS COMMUNALAS 2019

Uffecis politics che crodan en elecziun

Tenor art. 11 dalla constituziun communal han las elecziuns communalas liug 2019. En elecziun crodan ils suandonts posts e mandats politics:

- a) president communal,
- b) geraus,
- c) commembers dalla cumissiun da quen e gestiun,
- d) commembers dalla cumissiun da baghegiar.

Tenor art. 20 dalla lescha da votaziuns ed elecziuns succedan las elecziuns per regla denter igl 1. d'avrel ed ils 15 da zecladur.

Demissiuns

Persunas che seretilan d'in uffeci communal, ston comunicar quei a scret alla suprastanza communal **entochen ils 31 da schaner** (bul postal) digl onn d'elecziuns. Tgi ch'intenziunescha da demissionar ei supplicaus da risguardar il termin sura indicau.

PREAVIS ED INFORMAZIUN

Abdicaziuns

La gliesta cullas persunas che han demissionau vegn publicada a dretg temps el FUS.

Nominaziuns novas

Ufficials che seretilan buca, valan sco proponi. Ils vischinadis e gruppaziuns da silmeins 15 votant(a)s san far nominaziuns da candidat(a)s per scadin post che stat en elecziun. Tuttas propostas per la gliesta officiala ein d'inoltrar en scret all'administraziun communal entochen ils **15 da mars**. Ils corrispundents formulars san vegnir retratgs dalla canzlia. Las candidaturas ston mintgamai cuntener num, prenum, onn da naschienscha, liug e professiun dil nominau.

Sumvitg, 18-01-2019

Suprastanza communal Sumvitg

Uffeci civil Surselva

Mortori

Berther Vitus, naschius ils 30-10-1957, morts ils 29-12-2018, staus sesents a Rabiun.

Sumvitg, 18-01-2019

Controlla da habitonts

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 18-01-2019

Departament stradal

Uniun da catschadurs Greina, Sumvitg

Invitaziun alla radunonza generala, **venderdis, ils 18-01-2019** allas 20.00, Ustria «Miraval», S. Benedetg

Tractandas:

1. Beinvegns ed appel
2. Elecziun da dus dumbravuschs
3. Approbaziun dalla gliesta da tractandas
4. Protocols:
 - a) radunonza generala
 - b) radunonza avon catscha
5. Rendaquen:
 - a) cassa dall'uniun
 - b) cass da tgira
6. Fixar las contribuziuns annualas
7. Rapports annuals:
 - a) president
 - b) cau da tgira
8. Mutaziuns
9. Elecziuns:
 - a) president
 - b) schef da material
 - c) substitut cau da tgira
 - d) redactur
 - e) dus revisurs da quen
10. Program da lavur
11. a) Adattaziun dil datum dalla radunonza generala, per saver risguardar il termin d'annunzia per las propostas per mauns dall'uniun cantunala.
 - b) Eventuala radunonza extraordinaria, per saver decider sur dallas propostas per mauns dalla radunonza da delegai.
12. Discussiun e votaziun per dar liber il caliber dil tir intern
13. Orientaziun da catscha entras nies guardiaselvaschinas Andriu Degonda
14. Eventualas propostas per mauns dil district i per la radunonza da delegai dil BKP JV 2020
15. Varia

Nus dalla suprastonza selegrein sin ina constructiva radunonza generala.

La suprastonza

Las Zoclas Sumvitg

A nos prezias commembers passivs e sponsurs

Vus essas cordialmein envidai a nossa sera da passivs e sponsurs che ha liug sonda, ils **19 da schaner 2019**, allas 20.00 en halla da scola a Sumvitg.

Nus selegrein sin Vossa viseta e viva il tscheiver!

Corporaziun d'alps Sumvitg

Radunonza dils purs da nuorsas

Gievgia, ils **24 da schaner 2019**, allas 20.00 «Ustria dalla Staziun», Sumvitg

Tractandas:

1. Beinvegni ed appel
2. Elecziun d'in dumbravuschs
3. Approbaziun dil protocol dalla davosa radunonza
4. Presentaziun dil quen 2018
5. Proposta per elecziun cuitgs Greina
6. Orientaziuns
7. Varia

Radunonza generala

Gievgia, ils **31 da schaner 2019**, allas 20.00 ustria «Cruna», Sumvitg

Tractandas:

1. Beinvegni ed appel
2. Elecziun da dus dumbravuschs
3. Approbaziun dil protocol
4. Rendaquen 2018
5. Mutaziuns
6. Elecziuns
7. Midada d'ordinaziuns
Sligiar si gudidas da mises
8. Investiziuns
9. Orientaziuns
10. Varia La suprastonza

La suprastonza

Uniun samaritana Sumvitg-Trun

Preavis: Cuors d'emprem agid

Era uonn organischescha l'uniun samaritana Sumvitg-Trun in cuors d'emprem agid. Bugen communichein nus gia uss ils datums sco orientaziun. El decuors dil fevrer suonda in'ulteriura publicaziun cun termin d'annunzia. Il cuors ha liug ils **07 / 14 / 21 / 28 da mars ed ils 4 d'avrel 2019** a Sumvitg naven dallas 19.00–21.00.

Radunonza generala

Nus regurdein vus, caras samaritanas e cars samaritans, a nossa radunonza generala che ha liug venderdis, ils **25 da schaner 2019** allas 19.30 el «Café Tschut» a Trun. Ils documents haveis retschert il december vargau. Nus selegrein da seveser cun vus e salidein cordialmein.

La suprastonza